

Annwyl Gyd-weithiwr

A Phrofion Cenedlaethol 2018 ar y gorwel, a'r tro olaf y bydd y tri phrawf gyda'i gilydd ar bapur, ysgrifennaf atoch i rannu rhai negeseuon allweddol â chi am y profion a'u gweinyddu mewn ysgolion.

Yn gyntaf, hoffwn dynnu eich sylw at y Llawlyfr Gweinyddu Profion ar gyfer 2018 a gyhoeddwyd ar wefan Dysgu Cymru fis Tachwedd. Dyma'r linc i chi:

<http://learning.gov.wales/resources/browse-all/national-reading-and-numeracy-tests-administration-handbook/?lang=cy>

Mae'r ddogfen hon yn cynnwys yr holl wybodaeth bwysig fydd ei hangen arnoch i weinyddu'r profion yn llwyddiannus gyda'ch disgyblion. Hoffwn ategu barn LIC, fel yr amlinellir ar dudalen 2 yr arweiniad, "*mae'r Profion Cenedlaethol at ddefnydd diagnostig, er mwyn sicrhau bod gan athrawon ym mhob ysgol wybodaeth am sgiliau darllen a rhifedd eu dysgwyr a bod ganddynt ddealltwriaeth gyffredin o gryfderau a meysydd i'w gwella o safbwynt y sgiliau hyn. Maent yn canolbwyntio ar ddeall cynnydd dysgwyr, ac nid ar berfformiad ysgolion nac ar atebolrwydd. Dyma pam nad yw canlyniadau'r Profion Cenedlaethol yn cael eu cynnwys yn y gyfres o fesuriadau perfformiad ar gyfer categorïddio ysgolion*".

Er mwyn cyflawni hyn, mae'n bwysig iawn nad yw dysgwyr yn cael eu drilio ymlaen llaw. Byddem yn eich annog yn gryf i beidio â defnyddio amser addysgu i adolygu ar gyfer y profion na gosod cyn-bapurau fel gwaith cartref. Nid yn unig y mae hyn yn achosi straen diangen i ddisgyblion, ond gall hefyd guddio anawsterau y gallai rhai dysgwyr fod yn eu hwynebu.

Dyddiadau allweddol ar gyfer 2018

<http://learning.gov.wales/resources/collections/national-reading-and-numeracy-tests?lang=cy>

Profion yn cael eu hanfon i ysgolion

Ysgolion cynradd: wythnos yn dechrau 23 Ebrill 2018

Ysgolion uwchradd: wythnos yn dechrau 16 Ebrill 2018

Bydd ysgolion canol a lleoliadau uwchradd eraill sy'n archebu profion ar gyfer dysgwyr cynradd ac uwchradd yn derbyn deunyddiau ar gyfer Blynnyddoedd 7, 8 a 9 yn ystod yr wythnos sy'n dechrau ar 16 Ebrill 2018 a deunyddiau ar gyfer Blynnyddoedd 2 i 6 yn ystod yr wythnos sy'n dechrau ar 23 Ebrill 2018.

Rhaid dychwelyd amserlen y profion i profion@gwegogledd.cymru erbyn **20 Ebrill 2018** Cwblhewch y pro fforma sydd ynghlwm wrth y llythyr hwn. Os bydd rhaid i chi newid yr amserlen ar unrhyw bryd, rhaid i chi roi gwybod i ni ar yr un cyfeiriad e-bost, yn ogystal â hysbysu rhieni.

Ysgolion yn gweinyddu'r profion

Ysgolion cynradd: 2-9 Mai 2018

Ysgolion uwchradd: 25 Ebrill-9 Mai 2018

Dyddiad olaf ar gyfer llwytho Data

Fel y pennir gan yr awdurdod lleol, ond erbyn 6 Mehefin 2018

Canlyniadau i ysgolion

Cyn diwedd tymor yr haf

Dylid sefyll prawf unigol - e.e. Prawf Darllen B2/3 a B4/5 - ar yr un diwrnod. **Rhaid sefyll Profion Darllen B7 rhwng 2 a 9 Mai 2018.**

Cymorth

Gall ysgolion gysylltu â'r Llinell Gymorth Archebu Profion ar 029 2026 5327 neu wgto@nationaltests.cymru os oes ganddynt unrhyw gwestiwn am yr wybodaeth sydd yn y llawlyfr hwn.

Sesiynau Cefnogi Marcio

Bydd NFER yn trefnu ac yn cyflwyno sesiynau cefnogi marcio ar gyfer prawf Ymresymu Rhifyddol ysgolion Uwchradd, a bydd NFER yn cysylltu ag ysgolion yn uniongyrchol

gyda manylion am sut i gofrestru. Cynhelir sesiynau ar gyfer ysgolion **cynradd** yn lleol rhwng 9 a 16 Mai 2018 (manylion i ddilyn drwy e-bost ac ar Fwletin GWE).

Datgymhwyso

Ar gyfer lleiafrif bach o ddisgyblion mewn ysgolion prif lif yn unig fydd hyn yn berthnasol. Ystyriwch yn ofalus yr ystod o drefniadau mynediad a awgrymir yn Atodiad 5, tudalen 34 y 'Llawlyfr Gweinyddu Profion'. Os ydych yn penderfynu mai datgymhwyso yw'r **unig** opsiwn ar gyfer disgybl unigol, anfonwch e-bost at Llyr Gilmour-Jones, y Swyddog Datgymhwyso a Enwebwyd, i profion@gwegogledd.cymru yn nodi hyn ac i holi am arweiniad pellach. DS - rhaid ceisio cadarnhad wedi'i lofnodi erbyn **23 Mawrth 2018**.

Monitro

Byddwn yn ymweld â sampl o ysgolion cyn ac yn ystod y cyfnod gweinyddu profion i fonitro a yw ysgolion yn cydymffurfio ag arweiniad. Mae Llywodraeth Cymru yn gofyn bod Awdurdodau Lleol yn monitro gweinyddu'r profion mewn ysgolion fel rhan o'u cyfrifoldebau ehangach o ran asesu, a gofynnwyd i GWE ymgymryd â'r rôl hon ar eu rhan. Isod, (ac er gwybodaeth yn unig) gweler y meini prawf fydd yr unigolion hynny sy'n ymwneud â'r dasg hon yn eu defnyddio. Gwn y gallaf, fel bob amser, fod yn sicr o'ch cefnogaeth a'ch cydweithrediad os caiff eich ysgol ei dewis ar gyfer ymweliad yn ystod y cyfnod hwn.

Datganiad y Pennaeth

O fewn saith niwrnod ysgol o'r dyddiad terfynol ar gyfer cyflwyno data, rhaid i'r Pennaeth lofnodi datganiad a'i gyflwno i'r consortiwm rhanbarthol yn cadarnhau bod y pecynnau prawf wedi cyrraedd ac wedi'u storio yn ddiogel, bod y profion wedi'u gweinyddu yn briodol yn unol â'r gofynion a amlinellir yn y llawlyfr gweinyddu PC a bod y profion wedi'u marcio yn unol â'r cynllun marcio. Mae ffurflen ddatganiad ar gael ar

<http://learning.gov.wales/resources/browse-all/headteachers-declaration/?lang=cy>

Cofion cynnes

Arwyn Thomas

Rheolwr Gyfarwyddwr, GWE Gogledd Cymru

Meini prawf ar gyfer ymweliadau 2018

Ymweliad cyn y profion

A yw'r pecynnau profion wedi'u gwirio yn erbyn y nodyn danfon?
A yw'r aelod staff fydd yn gyfrifol am weinyddu'r prawf ymresymu rhifyddol ym mhob dosbarth/grŵp blwyddyn wedi derbyn y ddisg a sgript yr athro?
A yw'r bocsus profion wedi'u hailselio?
A gedwir y bocsus mewn man diogel lle na chaiff unrhyw ddysgwr fynediad at gynnwys y profion na'i weld?
A yw'r ysgol wedi gwirio bod y ddisg ar gyfer gweinyddu'r prawf ymresymu rhifyddol yn gweithio'n iawn?

Ymweliad yn ystod y cyfnod profi. Mae'n rhaid i ysgolion sicrhau:

bod dysgwyr yn gallu gweithio'n unigol a heb unrhyw beth yn tarfu arnynt
nad yw'r dysgwyr yn gweld unrhyw ddeunyddiau a allai roi mantais annheg iddynt o ran cynnwys y prawf e.e. arddangosfeydd neu adnoddau dosbarth cyffelyb, ffonau symudol
bod dysgwyr yn cael eu hatgoffa na ddylent drafod cwestiynau na chopio atebion
bod dysgwyr yn cael amser digonol i gwblhau'r prawf, yn unol â'r amseroedd a nodir yn y llawlyfrau profion
bod dysgwyr yn cael eu hatgoffa na ddylent drafod cynnwys y profion na'r atebion y tu allan i'w grŵp cyfoedion
bod goruchwyliaeth briodol gydol yr amser sy'n cyd-fynd â nifer y disgyblion sy'n cael eu goruchwyllo
bod gan ddysgwyr y deunyddiau ar gyfer y profion a'r holl adnoddau angenrheidiol
bod y prawf yn cael ei weinyddu yn unol â'r arweiniad a roddir yn y llawlyfr a'r wybodaeth yn llawlyfrau'r profion
na chaiff dysgwyr unrhyw gefnogaeth, gwybodaeth neu gymorth ychwanegol gyda chynnwys y profion, heblaw am yr hyn sy'n unol â'r ddarpariaeth ar gyfer y Profion Darllen a Rhifedd Cenedlaethol - arweiniad ar drefniadau mynediad a datgymhwyso
bod dysgwyr yn deall yr hyn sydd raid iddyn nhw wneud a'r amser a roddir ar gyfer cwblhau'r prawf
na chaiff dysgwyr ddychwelyd at a/neu ddiwygio eu hatebion i'r profion ar ôl i'r amser a ganiateir ddod i ben.
os oes disgyblion wedi'u datgymhwyso o'r prawf, a gafwyd cymeradwyaeth ysgrifenedig

